


關聖帝君寶訓像註

二

BJ
117
K83
v. 2



關帝寶訓像註卷二目錄

守王法

王之綸 贈獎賢紳

重師尊

彭汝勵 尊師忘貴 韓天秀 加禮延師

信朋友

朱暉 知己信心 汪一清 智全友妻

高玉亭 禮接貧友

和鄉鄰

陳緒昌 濟鄰得嗣

別夫婦

蘇汝惠

重母愛妻

曹鼎

妻賢夫義

史堂

薄妻獲譴

張孺人

勤儉相夫

陸氏

前夫示譴

瑞安公主

貴主不如

徐氏

妬殺孕妾

教子孫

盧氏

訓子清宦

王瑤

溺愛絕嗣

程母

大賢母教

巨盜

臨刑咬母

時行方便

袁待賢

方便獲福

李中美

吏隸勸善

吳文英

大師勸善

廣積陰功

富弼

濟饑德普

曹彬

好生誓衆

楊自懲

曲解宰怒

趙邃

夢接前賢

救難

黃汝楫

捐金贖掠

李遂

執獄平反

張繡

代人贖罪

濟急

李凝

恤留產婦

左藻

七魂報德

孫景固

貧能濟急

恤孤

石崑玉

代贖孤女

劉宏敬

憐孤認女

憐貧

瞿嗣興

暗恤貧人

費黃

富而恤貧

李登瀛

貧能恤佃

翔修廟宇

胡道人

誠修神廟

印造經文

陳之棟

印經解厄

捨藥

蔡元璜

施藥登第

施茶

陽雍伯

施漿獲璧

戒殺

汪君弼 誓天戒殺 周 豫 戒殺顯宦

放生

王敏仲 師勸放生 楊 序 放生延壽

鄭 圭 夢神授書

造橋

董 起 造橋成仙

修路

馬景白 修路榮貴

景曰 妙微榮貴

道 妙微榮貴

主 妙微榮貴

妙微榮貴

妙微榮貴

守王法

增論王法者。國家之定律。頒行天下。令人知所遵也。而世有一種懵懂輩。不知法爲何物。乃昧而不守者有之。又有一種兇頑輩。明知法不可寬。乃玩而不守者有之。不守法。斯犯法矣。以至在家之人。而竟爲在官之人。無罪之身。而竟成有罪之身。諺云。人心似鐵。官法如爐。受繫受辱。顏面無以見人。而且一經法斷。輕則皮肉俱裂。重則性命不保。吁。王法顧可忽乎哉。惟守法。自不犯法。此義不但庶人當知。凡爲紳士。更宜倍慎也。

關帝寶訓像註

卷二

三

一



明王之綸在京爲御史。每寄書戒其子弟曰。官糧早完。佃租緩索。有外侮。宜忍。不宜爭。求說情。宜辭。不宜應。王法森嚴。凜不可犯。惟恪守爲上耳。子弟遵其訓。邑人稱贊不絕。後按院知其居鄉賢。贈以匾額。鄰近諸紳聞而感化。


重師尊

增論師何以尊稱耶。言其文章品行。足以爲人之矜式。故曰尊焉。而世之延師者。率多輕之。以敦詩說禮之儒。竟等於梓匠輪輿之輩。猥曰其志將以求食也。噫。謬矣。每見富厚之家。以一器一物。付人製造。猶慙慙而申款洽。況以子弟之成立。托之於師。何等關係。而漫無隆儀厚誼耶。必虛心以待之。折節以求之。寧爲過情。毋爲不及。情則尊師之道得。而若人世獲書香之報矣。

三



宋待制彭汝勵少常師倪天隱。及官保傅迎天隱於家。執弟子禮恭甚。天隱死。母猶未葬。明年妻亦死。且無子。公爲塋其三喪。又爲嫁女於同年進士宋渙。不忘師於死後。自不輕師於生前也。




明韓天秀江西人。每延師。必卑禮厚聘。預送三月束修。令師安家。得以盡心教我子弟。於束修外。衣帽菓餅等物。頻餽送。遇師有急難事。破格厚贈。凡師辭館時。又送三月束修。師多辭之。秀曰。師今閒居。聊爲三月費也。後二子俱中式。書香甲於一邑。


朋友

增論朋友乃五倫之一也。人少長出就外傳。必有年相若者。彼此往來。而朋友自此始。嗣後年愈壯。友愈多。若求善與人交之道。厥惟有信之一字。信者不欺。心不負心之謂也。一則驗之於窮達之境。一則驗之於生死之關。一朝富貴。不忘貧賤之交。凡舊日相與莫逆者。每延而致之。爲伊謀安全。計久遠。而不僅托諸空言。斯爲尚義之君子。乃信之不以窮達而易者也。或不幸而友亡。凡一切身後之事。伊親族所不敢擔荷者。慨然以爲己任。卽遠隔河山。必千里寄書。詢其父母何依。妻子何託。但可以釋其苦。而分其憂者。盡心力而爲之。斯爲尚義。

克終之君子。乃信之。不以生。死而殊者也。噫。今之交情。
日趨日下矣。有若此其信人乎。吾將歌之。詠之。以愧夫
朋友之不信者。



朱暉南陽宛人。與張堪同縣。堪於太學中見暉。接以友道。把其臂曰。他日欲以妻子託生。暉以堪先達。不敢對。自後不復相見。堪亡後。暉聞其妻子貧困。自往候視。分居食給之。暉子怪。問曰。大人不與張君爲友。何乃如此。暉曰。張君嘗有知己之言。吾已信於心矣。嗟乎。朱暉之德。固不待言。張堪之識。洵爲巨眼。錄此。并以告托友者。不可不慎擇也。



明鎮海諸生汪一清嘉靖辛酉廣東張連作亂清爲所獲
已而賊執一婦至清視之則友人妻也因給賊曰此吾妹
氏請無汚以待贖否則吾與妹碎首於此若曹何利焉賊
因并清閉置一空室中昏夕相對匝月始贖去後清子弱
冠登第



明高玉亭先生爲副憲時有朋友來謁者必整衣延入嚴諭門僕不許妄回一人查出妄回一人立刻朴責驅逐其夫人曰門僕措不通報固可恨但朋友多向爾訴窮似亦宜少見公歎曰彼雖訴窮吾量力資助設法周全亦是陰騭事不可縱僕拒人令友寒心也後公壽八十子孫簪纓不絕

和鄉鄰

增論何言乎鄉與鄰耶。萬二千五百家爲鄉。鷄鳴狗吠。聲相接而夜聞者也。五家爲鄰。出作入息而相識而日見者也。地邇而人親。可不與之和歟。且財。甲一方。卽宜扶助。一方之貧。勢。甲一方。卽宜拯濟。一方之難。匪若是則無情無義。必爲鄉鄰所不齒矣。若復傲慢之。疎絕之。侵奪之。又爲鄉鄰所切齒者矣。縱富貴驚人。其如衆口之怨罵何。故特表而出之。曰。和爲貴。

隋帝寶訓傳記

卷上

一



陳緒昌福建人。六旬無嗣。值歲荒。里中多不能糊口。昌買糧借給之。令俟豐收償還。率以爲常。鄰里數百家。祝昌早生貴子。賢孫後生一子。爲翰林孫。爲刑科都給事中。

別夫婦

增論夫婦配合。孰不以爲天緣之所湊哉。然其間有善緣焉。有惡緣焉。其在善緣。夫過愛其婦。婦篤愛其夫。所謂終日嬉樂者是也。若在惡緣。夫無情於婦。婦無禮於夫。所謂終日詬詈者是也。凡此又何足以言別耶。所貴乎別者。夫表刑于之化。婦修順從之德。一正外而不干內政。一正內而不豫外事。乾剛坤柔。適符唱隨之義。如此而家道有不興隆。子孫有不繁衍者乎。至於婢妾。切莫輕納。倘正室不能賢淑。而勉強爲之。非致夫婦之失歡。必致婢妾之失所。其間有隱過焉。可不慎歟。惟年逾四十無子。而正室不能生育者。是不可不爲善全之計。

昔人云。一夫一婦。天下之正道。孤陰寡陽。人間之缺陷。無子不可。無妾有子。多妾何爲。或娶妾久而無出者。恐負彼青春。未免閨怨。又當及時爲之。覓良配而成室家。免了多少孽。冤解却多少纏縛。至精氣漸衰。年華漸邁。對青鏡而自生愁歎。尚問嬌柔悅汝乎。若婦人事夫柔順爲德。夫有父母。孝以承之。夫有兄弟。和以處之。夫有親族。禮以待之。夫有婢妾。莊以臨之。恩以恤之。婢妾有子。撫如己生。或爲繼室。夫有前子。慎勿漠視。持內政之綱。作中饋之主。勤儉操家。恭默自處。凡事不專稟明。夫子勉夫爲善。阻夫爲惡。如此而丈夫有不愛敬賢妻。傍人有不欽誦賢婦者。斷無是理也。



明蘇汝惠。陝西人。六歲無父。其母爲聘定一女爲妻。甫五歲。未半載。惠母亡。妻長大。貌陋足跛。惠娶婦歸。琴瑟甚調。一友謔之曰。聞汝婦面目可憎。何不再買一婢。惠曰。此吾母所親聘定者也。所戴簪環皆吾母故物。若少一憎之。是忘母也。情近於貪。色罪幾於不孝。吾何忍爲。友人改容起敬。後惠由武生出仕。官至總兵。



明曹鼐幼家貧常嗟嘆其妻勸之曰嗟嘆無益男兒當自強也從今汝奮志讀書我績紡供汝膏火公曰諾後中狀元有同年欲代爲買妾者公貽以詩曰宋配糟糠不下堂史傳此語義非常今人堂上夫情薄未若更言不下牀同年佩服不已公後入相土木之難盡節謚文忠



史堂微時已娶及登第自恨不得富家女爲妻悔之遂日
睽隔不復同室其妻鬱成疾數歲堂不一顧妻亦飲恨
臨終隔壁呼堂曰我今死矣爾恕不一視耶堂終不顧及
妻死心不自安乃從邪說謀爲厭勝以土器蓋其面兼以
木枷索束縛其尸而焚之其妻托夢與父曰女託非人
生懷愁恨死受厭勝然皆以女故壽祿皆削盡矣明年
堂果卒



蔣康希方脉

張孺人者。醫正蔣康齋之配也。康齋素貧。以醫自業。家事有無。一切不暇問。張孺人躬摻筯。鑰搏節盈縮。化匱爲豐。饗賓客。則躬潔洒。脩勤女工。則親率紡織。康齋以是無內顧之憂。晚年受諸子供養。每進豐膳。必戒曰。毋以奢故耗產。撫諸子孫及婢僕。顏色溫然。未嘗有叱咤聲。年八十餘。耳目行動如常。




鄭朝議之從子娶陸氏伉儷甚綢繆鄭嘗於枕席間謂陸曰我不幸死汝無得嫁汝死我亦如之陸曰要共百年偕老奚爲出此不祥語居數年鄭感疾自度必死臨終與陸對父母復中前言陸但俛首悲泣鄭死陸竟攜貲收適一日陸皆暮獨坐恍見一卒投書視之則宛然前夫筆跡也其詞曰十年結髮夫妻一生祭祀之主朝連暮以相歡俸有餘而共聚忽大幻以長往慕何人而輕許違棄我之田疇攘貲財而遂去不帶我之有子不念我之有父義不足以爲人之妻慈不足以爲人之母吾已訴於上蒼行對理於幽府陸媿駭流汗未幾而卒



明瑞安公主適駙馬都尉萬燁。久之未有子。定制公主無所出。不得畜妾。主曰。豈可因我一人。使萬氏無後乎。入啟皇太后。白於神宗。擇宮婢二人去。燁生數子。

作
好
人
行
好
事




湖廣岳州衛趙指揮妻徐氏。悍妒。趙本孤族無嗣。嘗置一妾。徐虐其妾。經歲月。不令與夫同處。及妾有娠。飲以峻劑。暨胎皆墮焉。徐氏後患腹疾。譫語。既爲妾聲。又爲兒聲。罹苦數月而死。趙亦繼亡。家無噍類。噫。一如婦而斬絕世勲痛哉。

教子孫

增論子孫繩繩而起宗祧喜有託矣而特患其逸居而無教也無教則卽於輕薄流於癡狂乃家門之玷也甚至淫賭其行凶頑其性又家門之大辱而大害也必教之以正勿游手而好閒也勿狐朋而狗友也勿縱酒而漁色寡廉而鮮恥也而且令其好善惡惡以端其本令其誦詩讀書以成其名令其取古今之嘉言懿行以廣其意令其法聖賢之文章道德以高其品凡此皆所謂教也而子孫果率教惟謹窮則爲俊士達則爲良臣自慶衍於無盡矣



唐崔元暉爲郎其母盧氏訓之曰吾見姨兄辛元馭云兒子仕宦者有人來云貧乏不能存此是好消息若云貲財充足衣馬輕肥此是惡消息吾嘗以爲確論比見親表中仕宦者多將銀物寄其父母伊父母但知喜悅竟不問此物從何而來果祿俸餘資誠一美事如非理所得與盜賊何別元暉奉母訓日矢清忠爲一代名臣



涿郡王瑤溺愛二子任其放恣養成惡性父不能制時告諸官二子次第俱死遂絕後及瑤死次年二月十五日本處城隍司祝劉進聞廟中聲喧披衣起祝從壁孔窺見王瑤持狀求清明祀城隍怒曰爾有子不能教自絕嗣誰可供祀令鬼卒驅之瑤大哭去次日訪之乃知瑤死已歲餘矣

周子實川原主
卷之六 伏賢母教

七



程母侯氏程大中公珦之妻。明道伊川二程子之母也。母事舅姑。內外聞其孝。大中公禮敬特甚。而母益謙順。白牧罔或悖焉。雖小事未嘗專。必稟命而後行。治家有法。不嚴而整。不喜笞朴婢侍。或兒女諸子小有呵責。必戒之曰。貧賤雖殊。人則一也。恕僕妾之過。惟恐有傷。獨諸子有過。小則詰責。大則請命於大中公。必令其改而後止。嘗曰。子之所以不肖。皆母蔽其過。則父不知而無由以正之也。故二程夫子飲食衣服。一無所擇。學成大儒。大程官至御史中丞。二程官至侍講。一代名儒多出其門。配享孔廟。封爲伯。後世誦程母之教不衰。



昔有一巨盜臨刑。其母來餽食。盜嚙母之臂至流血。謂人曰。我今日之死。實母致之也。吾少時取人一針。竊人一草。母從無禁阻。反懽喜之。積久成習。豈慮有今日乎。

時行方便

增論善事多端方便第一。有財有勢。固易舉行。若無財無勢者。豈遂不能行方便歟。曰。有口角之方便。在或開談雅論。引起人之善心。遏抑人之邪念。成就人之美事。掩藏人之陰私。提醒人之迷誤。解釋人之怨仇。皆隨口方便。而陰陽實寓焉。至於片言數語。立活萬人。現救萬命。除千年之害。垂百世之利。又方便之大。而陰陽之難名者矣。噫。無論方便之大小。但使念念常憶。刻刻不忘。且不使人知。不令人感。久之自然上格穹蒼矣。

關帝聖訓像記


卷二

三

方便護福



明袁待賢太學生浙江人。赴京訪親不遇。流落報國寺。窘甚。同寓李某。新補廣東郡守。憐而食之。因順路帶回鄉。李精算子平。一日爲賢看命。訝曰。汝命孤貧。非僧道則乞丐。當努力修省。以造命。賢曰。無錢行善。奈何。李曰。汝口才過人。肯行方便。善自難量。賢從之。到家日。請方便事行。越五年。掘地得銀。從此致富。因訓其子曰。天定爾翁孤更窮。春生口角。命旋通。兄曹傾聽。還牢記。方便原來最有功。後二子俱登仕籍。



明上元縣李中美爲皂隸存心仁恕好行方便嘗曰公門
好修行與刑吏朱某善勸吏曰本官親信汝若不行方便
是入寶山空手回也吏歎曰我尚知文義似汝一字不識
竟能道此語心實佩服二人遂墮爲姻相勉行善後吏之
子年二十成進士隸之孫年十八登鄉薦

關帝廟

卷二 大師勸善

七



明吳文英平生好勸人爲善。每令人厭。友譏之曰。爾勸人爲善。究竟善在於人。于爾何益。何苦令人厭耶。文英不悔。後問于聽雪大師。師曰。吾聞之經云。一人勸一人作福。兩平分。一人勸九人作福。十人分理。可深信。義可類推也。若謂勸善無益於己。豈不謬哉。

廣積陰功

增論凡立言行事有裨益於人者皆謂之功裨益於人而彼此相忘於不覺者謂之陰功大之而天下後世蒙其澤小之而鳥獸草木順其性陰功之量廣矣哉所貴乎能積之也居得爲之勢有可用之財誠心而行之其功固易廣也卽無財無勢而矢心以勉之竭力以爲之凡一言一行無非濟人利物之思一動一靜罔有自私自便之謀至誠恒久將見日計之而不足者月計之而有餘矣月積歲積始猶有人見爲功而已尚覺其功者迨其後已不自覺其功而人亦並忘其爲功矣故有時揚人之善成人之美固功也卽有時折人之短辱人之

身亦安往而非功耶。廣矣哉。向非有以積之。何克臻此。人之有心於陰功者。其亦廣積之而可乎。



富弼鎮青州。適河決八州之民流入京東。弼勸民出粟十餘萬斛。隨處貯之。以濟殍者。括公私閒舍十餘萬區。散處之。使便薪水。明年麥熟。計遠近授糧。使歸。獲生全者五十餘萬。公位極人臣。名垂不朽。

卷之二 好生誓衆



宋曹彬忠誠事君。謙退自處。帥師征討。未嘗妄殺。初破遂州。諸將皆欲屠城。公獨執爲不可。有獲婦女者。悉訪其親還之。及伐金陵。先焚香誓衆。城下之日。毋得妄殺一人。前後全活不可勝計。後公子瑋琮璨繼領旄鉞。少子玘追封王。爵實生光獻太后。以至濟陰生享王。爵子孫貴盛無比。



鄆人楊自懲初爲縣吏存心仁厚時縣宰嚴肅偶打一囚血流滿地怒猶未息楊跪而寬解之宰曰此人悖理不由人不怒楊叩首曰上失其道民散久矣如得其情哀矜勿喜喜且不可而况怒乎宰爲霽顏楊家甚貧餽遺一無所取遇囚人乏糧多方濟之一日有新囚待哺家又缺米給囚則家無食自顧則囚堪憐與其婦商之婦曰囚從何來曰自杭而來菜色可掬囚撒已之米煮粥以食之後生二子長曰守陳次曰守陞爲南北吏部侍郎次孫四川廉憲俱爲名臣




國朝趙邃大興人年十六入學帶眼疾進場以致左目內障醫言十五年後傳至右目又夢神告以壽不及四旬心憂之誓行陰隲以造命康熙癸卯春偕友人園讀書有鄰女來就公峻拒之旋移去是秋中式初選保定教授日誦感應篇一言一動恐犯太上之戒每飭子曰人不怕見閻王只怕見閻王說不得話耳一夕夢人揖之曰吾袁了凡也汝誦感應篇能身行特來相詢汝常如此行自有好處公曰吾左目障恐傳至右目袁答曰不盲於心斷不盲於目也後陞陝西米脂縣知縣清正無私次子如升年十八登鄉薦公左目忽一日重明享壽六十三病痢見童子持幢幡來迎談笑而逝

救難

增論悲哉。人之陷於難也。百計求之。而莫能脫。將遂坐視其死。而莫之救耶。夫人之所以不能救者。大抵以無財。無勢。不足以救之耳。我若有財。有勢。固當竭力救之。倘我亦復無財。無勢。又惡乎能救之哉。然而未可已也。直當引爲己難。低首下心。轉懇夫有財者。而借其財。有勢者。而藉其勢。迨財勢兩得。而更日夜代爲之謀。務救其人之得脫於難。而後已。此其心豈望報耶。而天必將有以報之矣。



宋黃汝楫。浙人。家富。時方臘寇亂。汝楫以金銀瘞土中。欲逃避。忽聞賊掠士女千人。拘閉空室中。得金帛始放還。不爾則殺死。汝楫惻然曰。我有金二百斤。可悉贖其命。乃起所瘞之物。載至賊營。千人皆得脫。楫生五子。相繼登第。



明李遂爲刑部郎中。錦衣衛執送十三人爲盜。公審知其
冤。言於長貳請駁之。莫敢任。公毅然曰。規白利而置人於
死。某不爲也。卽自署名以駁。竟出十三人。後長子栻次子
材俱登第爲憲臺。



張繡邯鄲人。家貧無子。置一空罈。積錢十年而滿。適有鄰人犯徒。欲賣妻以贖罪。而苦三幼子之失母。繡聞之。謀諸夫人曰。彼賣其妻。則三子不能活。遂以所積錢代完贖銀。不足。夫人復拔一釵。湊之。是夕夢上帝抱一兒賜之。乃生子國彥。歷官刑部尚書。

濟急

增論天下之履順境者千百中僅有一二人其餘類皆
逆境往往致歎於屢空然終非急也若急則逆中之逆
凡有目者所共見凡有心者所共傷矣苟見之而不思
有以濟之徒傷之無益也而無如履順之人每不知急
迫之苦或漠焉置之而毫不相濟或偶焉濟之而無補
其急豈知杯水難救車火以致愁而病病而亡甚至自
經於溝瀆者豈少也耶而在尚義之人則出其所有以
濟焉更稱貸他人之所有以濟焉且千方百計於無中
生有以濟焉卽有履順之人從而誚之曰爾肯顧人之
急恐人不肯顧爾之急也而尚義者曰吾將來雖急較


彼今日之急。尚可緩也。將來卽急而至死。較彼今日之
死。尚在後也。而何復計之。又何暇慮之。噫。天心無私。惟
善是庇。寧忍負若人。而不加佑耶。

關帝賣訓像注

卷二 漁留產婦



平陽耿廉獲罪流徙解送京師途中妻忽欲產人莫肯納
有李凝者見之惻然曰人孰無緩急安能以室廬自隨哉
倘產爲風露所感冒則母子俱不能生吾寧受不祥何忍
死其母子因留入室給之漿粥學士宋濂聞之高其行爲
作傳焉



國朝左藻桐城縣監生。初不事舉業。貿易蘇州。買婢爲女。從嫁。婢容端重。問其祖父。婢泣云。我祖七世進士。作宦。今父欠官糧。無措。不得已賣我耳。藻聞之。惻然。因日暮。閉女室中。已乃邀同寓博戲。達旦。隨送女歸。其父母不取。原值復與銀釧一副。認爲己女。囑媒爲擇良配。其父母感泣叩謝。藻父在家。夢冠烏紗七人。謝曰。汝子有陰德。奏聞上。帝。賜伊一榜。醒疑之。頃復夢如前。藻歸。父問其有何陰德。藻乃述前事。父告以夢。值康熙癸酉科場。促令赴試。藻遂入場。及試題出。藻悶悶而寐。夢冠烏紗七人來。每人把藻手。寫文一篇。藻醒。見文已寫畢。遂交卷。三場皆然。榜發。藻中式第六十三名。高郵沈仲岳述其事。



孫景固太平諸生。貧甚。然性好周急。嘗曰。必待有餘而後濟人。恐無濟人之日。不如就目前勉強爲之。每見人有急。必設法周濟。卽負累受害。亦不恤。後夢神告曰。爾貧能濟急。比富者。功倍。卽有善報矣。次年鄉會聯捷。

恤孤

增論孤子。焚焚。僅與婦相倚爲命耳。豈不大可傷哉。伊父雖有遺貲。而幼不能謀生。不數年而食罄矣。伊父縱有遺產。而弱不能自立。不數年而鬻盡矣。況其間惡族之侵奪。小人之欺騙。又有不可逆計者乎。惟遇此等人。加一番體恤。覩其窘迫莫支。則捐金以相助。覩其外侮莫禦。則出力以相幫。俾其漸至成人而後止。然此特就孤子論耳。至於人出外而無偶。則爲孤客。人在家而無輔。則爲孤身。又仁人君子所不忍恣視者。亦必有憐恤之道矣。

關帝寶訓像註

卷一

三



石崑玉開封人。富而好善。釋道募化。不肯多給。曰。此固好事。尚有人行我。惟撿人所不肯行者爲之而已。凡親友中。煢煢孤寡。百般憐恤。有亡友孤女。賣與人爲婢。玉聞而贖之。嫁與士人。後玉享高壽。逝之夕。鄰翁見有人執彩旗到門。恍若請爲某城隍者。



唐劉宏敬資財巨富。遇善相者曰：君財甚豐。然二三年大期將至。奈何？敬曰：天數其可逃乎？相者曰：惟德動天。勤修令德。壽必可延。敬乃爲身後計。有女將適人。覓四婢從嫁。內有方蘭蓀者。色殊而恣態不凡。詢之。對曰：妾代爲河洛名家。父任淮西。遇吳寇亂。因姓與寇同。冤遭淪沒。妾已再易主矣。敬傷歎。遂焚其券。認爲甥。厚資先其女嫁焉。一夕夢披青衣人泣拜曰：余蘭蓀之父也。感君之恩。無以報。今君壽將盡。當爲請於上帝。後三日復夢蘭蓀之父曰：幸上帝許延君壽二十五載。富及三代。敬未敢信。三年相者復至。迎而賀曰：君白眉至。髮有陰德。上動於天。延壽二十五載。慶及三代。敬乃以實告。後果如其言。

貧

增論古今聖賢豪傑多從貧乏中崛起貧乃好消息也
寧肯受人憐哉而在中下人輒以貧爲苦矣難乎免於
人之憐矣假如欲養親也而衣食有不給之憂欲敬兄
也而梨棗有難推之苦妻子宜和或因貧而室人交謫
朋友尚義或因貧而慷慨難施是人之大倫每以一貧
而有缺已推之而課子孫無力完婚姻無資畢喪葬無
措疾病不能療恩情不能報種種苦緒無非貧之所致
也可憐歟不可憐歟而所謂憐貧者厥有道焉頻借頻
應而不望其償也時問時餽而必託以故也或子之以
不費之惠而使其不感或貽以自然之利而使其不覺

不然憐矣而矢口嘆嗟未免令貧者氣短憐矣而向人
表白未免令貧者色慚何若憐之而我隨忘憐之而被
堪受之爲愈耶

關子
卷八
二
陪
通
八



瞿嗣興好行陰德。有一貧人。值大雪。餓不能起。公憐之。攜錢二十緡。投窓隙而去。歲歉。有貧人來糴米。受其錢五千。佯忘曰。汝錢十千耶。倍與之。凡肩挑背負諸人。必多償其直。曰。彼胼手胝足。以求利。忍與較乎。享年八十。無疾而終。子孫累世榮顯。



明費黃鎮江人。家計饒足。歲歉。鄉里親故求貸者。無不立應。至次歲。或來償。曰。周人不足。理之常也。悉辭弗受。衆心感刻。合力造一橋。以祈天祐。名曰佑善橋。後其孫問成化間會元及第。



國朝李登瀛華亭人家貧。僅田二畝。佃戶以疾荒其田。賣
子以償租。公惻然曰。爾疾不能治。田非爾過也。我雖貧。尚
能自存。奈何使爾父子離散也。亟取租銀去贖爾子。歸其
人曰。兒已成。賣豈許贖歟。公曰。我貧人。且讓爾租。富室大
家。亦知積德。我爲爾言之。遂與同往。主人服其義。許之。父
子感泣。日致禱祝。公隨聯捷。官至御史。


修廟宇

增論天下郡邑中莫不有應祀之神以爲斯民佑廟宇之建正所以安神以伸其敬耳有如風雨之失調也水旱之間作也災祲之遞見也則相與拜叩之禱祝之儼然有如在之誠焉而特患廟宇尚闕則神無所依矣又患廟宇將傾則神有所恫矣故必於無者刱之使有頽者修之使新務令煌煌在目動人見像生心之意豈不美哉

關帝寶訓像言

卷一

目



靈佑宮胡道人者。自康熙三十五年。來宮修行。灑掃殿宇。處處必周。勤慎至誠。錙銖愛惜。如是十有五年。積蓄約二十餘金。因見東嶽殿三官殿。滲漏雨濕。神像頽壞。乃傾其所有。苦蓋修補。煥然一新。焚香叩拜。喜不自勝。遂辭赴白雲觀。朝夕念佛。一日謂衆曰。我今日有事。不能相隨念佛矣。坐於靜室。端然而逝。衆爲建塔。至今存焉。

印造經文

增論經典之在世。不自今日始。而在今日爲倍盛。撮其大意。不過使人明心見性而已。後之人又繹之以文。凡以解乎其義。俾人易曉耳。但遐陬僻壤。每有不能傳流之處。則非印造不爲功。必從而印焉。造焉。廣爲散布焉。使天下之人咸得而展閱之。誦誦之。晨鐘暮鼓。庶幾可以醒夢迷而警悟也已。



明陳之棟。山西人。商販至京。寓一寺內。腦後生一疽。痛欲死。藥弗效。睡中恍惚見一人曰。爾臥禪堂。不敬經王。大痛難受。悔罪消亡。醒問僧何爲經王。僧答曰。蓮華經。乃諸經之王也。棟頓悟曰。我到此無枕。信手取蓮華經枕之。腦疽之生。佛譴我也。因而佛前懺悔。將所枕經。另裝錦套。頂供殿上。又印蓮華經百卷。供送各廟。再服藥。卽愈。

增論人生最苦莫如病富貴之家醫藥調治猶易痊愈
若在貧賤無力延醫無錢買藥任其輾轉牀褥間幾何
其不淪於死耶更有行旅道途及窮鄉僻壤病出倉卒
無醫可延無藥可買勢將坐視其死而不能救仁人念
此於是有捨藥之舉焉撿驗良方修合施送藥無論貴
賤而品味務鉅躬任其辛勞而炮製必潔且也隨取而
隨與毫不留難多取則多與無厭數此等行事固與
救難濟急者同一功德也



明蔡元璜父善醫病家請卽去更檢驗方合藥施人樂此不倦伊姻親死而復甦言至一衙門有吏捧文書出手展文後批語令亟記傳播人間批云元璜無大善未該登第然其父捨藥多年卽此一節中進士有餘也仰註冊施行下科璜果鄉會聯捷

施茶

增論。世間樂善君子。施捨惟日不足。最上者施財功德。誠鉅。再則施粥。施藥。施襖。施湯。降而至於施茶。若不敢自以爲善也。亦曰姑結良緣耳。不知人值渴時。口乾舌燥。心煩腸熱。得杯水如甘露焉。寧曰匪善耶。且捨茶棚多立於通衢曠野間。往來行人無限。苦況到此間。一飲一坐。可以暫時歇憊。此何等利益。而猶曰匪善耶。甚矣施茶之功。不可忽而不爲也。



漢陽雍伯嘗設義漿給行人。三年有一人飲訖。問曰。何無菜羹。答曰。無種。其人懷中出菜子一升與之。且曰。種此生美玉。且得好婦。伯種之數歲。北平徐氏有女。伯求之。徐氏曰。得白璧一雙。當爲婚。忽於種菜處得璧。以聘。生十男。皆俊異。先後仕於朝。因名其地曰玉田。

戒殺

增論凡物皆貪生也。而世人不恤其生。輒以殺爲常者。何歟。亦曰物原供人之食。殺之不爲喪心耳。愚謂殺生者。卽不謂之喪心。實可謂之忍心。亦不咎其忍心。祇咎其縱口腹之欲。貧賤之人。殺生尚少。富貴之家。殺生必多。或有從而勸之者。不增其厭。卽激其怒矣。豈知殺機太深。則殺孽不淺。殺氣太重。則殺報不輕。可勿戒乎。

蓮池大師戒殺文

人人愛命。物物貪生。何得殺彼形軀。充己口食。或利刃剖腹。或尖刀刺心。或剝皮刮鱗。或斷喉劈殼。或滾湯活煮。或鹽酒生醃。可憐大痛無伸。極苦難忍。造此彌天惡

業結成萬世冤仇。今人多病多夭。或死蛇虎。或死刀兵。或死官刑。或死毒藥。皆殺生所感也。我今哀告世人。不敢逼汝持齋。且先勸汝戒殺。戒殺之家。災橫消除。福壽綿遠。種種吉祥。難以具說。獨奈世間食肉。咸謂理所應然。乃恣意殺生。廣積冤業。相習成俗。不自覺知。昔人所謂可爲痛哭流涕長太息者是也。計其迷執。略有七條。開列如左。餘可例推。

一曰生日不宜殺生。哀哀父母。生我劬勞。已身始誕之辰。乃生母當難之日也。是日也。正宜戒殺持齋。廣行善事。庶使先亡考妣。早獲超昇。現在椿萱。增延福壽。何得頓忘母難。殺害生靈。上貽累於親。下不利於己。此舉世

斯逆矣。又婚禮吉禮也。吉日而用凶事。不亦慘乎。此舉世習行而不覺其非。可爲痛哭流涕長太息者四也。

五曰宴客不宜殺生。良辰美景。賢主嘉賓。蔬食菜羹。不妨清致。何須廣殺生命。窮極肥甘。笙歌饜飫於杯盤。宰割冤號於砧几。嗟夫。有人心者。能不悲乎。此舉世習行而不覺其非。可爲痛哭流涕長太息者五也。

六曰祈禳不宜殺生。世人有疾。殺牲祀神。以求福祐。不思已之祀神。欲免死而求生也。殺他物而延我命。逆天悖理。莫甚於此矣。夫正直者爲神。神其有私乎。命不可延。而殺業具在。種種淫祀。亦復類是。此舉世習行而不覺其非。可爲痛哭流涕長太息者六也。

七曰營生不宜殺生。世人爲衣食故。或畋獵。或漁捕。或屠宰牛羊猪犬等。以資生計。而我觀不作此業者。亦衣亦食。未必其凍餒而死也。殺生營生。神明所殛。以殺昌裕。百無一人。種地獄之深因。受來生之惡報。莫斯爲甚矣。何苦而不別求生計乎。此舉世習行而不覺其非。可爲痛哭流涕長太息者七也。

海剛峰先生戒殺辯


或曰。人但要心好。何必戒殺。答曰。心好無過於慈。乃將同有血氣。同有子母。同有知覺痛癢之物。戮其身。啖其肉。天下之凶心。慘心。狠心。毒心。莫此爲甚。好心却在何處。或曰。大仁無事小慈。何在戒殺。答曰。仁者宏濟蒼生。

豈以小慈而遂廢之。古聖賢仁民而愛物。又曰。民吾胞。物吾與也。如謂執此而遺彼。大仁豈若是歟。或曰。細命似無關係。何必戒殺。答曰。物命雖細。皆知貪生畏死。如蝦蛤螺螄等物。有數命不足充一羹。有百命不足供一飯者。何忍爲口腹之故。而殺命至無算耶。至若豕羊雞鴨等物。小而畜之。皆有依依親人之狀。長而殺之。非乃殘忍之過甚乎。或曰。佛教戒殺。儒教何嘗戒殺。答曰。三教雖殊。其仰體上帝好生之心則一。豈佛老好生而吾儒好殺耶。孟子曰。見其生。不忍見其死。聞其聲。不忍食其肉。禮曰。諸侯無故不殺牛。大夫無故不殺羊。士無故不殺犬豕。非大聖賢教人以戒殺之明訓乎。

卷之八 擬言大成殺



注君弼江西人。平日不殺生。而宴客不禁。但時常宴客。竟與不戒殺等。一夕夢竈神告之曰。汝殺生太過。子應死於鋒刃。嗣續絕矣。弼醒後。仍不能改。未幾盜入室。殺其子。遂無後。弼痛悔。嚙指誓天。永不令活物入廚。更買物放生。所活無算。年過五旬。生一子。七旬外。又生孫焉。



學士周豫常烹鱔。見有鞠躬向上。頭尾就湯而死者。剖之。
其腹有子。乃知鞠躬就湯者。護子也。豫感歎。永不殺生。官
至極品。

放生

增論從來慈善之人。不打生。不網生。何自而云放歟。所云放者。以物到我之手中。而釋放也。否則購於人之手中。而轉放也。但欲放不可稍遲。恐物不耐其困也。欲放不可假人。恐物反受其害也。且放之不可有定期。恐貪利者因此而預捕也。放之不可有定地。恐貪味者探此而往取也。惟於日觀之頃。隨意而買放焉。曠野之間。隨處而縱放焉。則放生而物得生矣。噫。此等善行。在有錢之人。易在無錢之人。難。然有錢放生。善固匪小。無錢放生。善尤加倍。乃理之確乎可信者。人亦知之否。

蓮池大師放生文

蓋聞世間至重者生命。天下最慘者殺傷。是故逢擒則奔。蟣虱猶知避死。將雨而徙。螻蟻尚且貪生。何乃網於山。罟於淵。多方掩殺。曲而鈎。直而矢。百計搜羅。使其膽落。魂飛。母離子散。或囚籠檻。則如處囹圄。或被刀砧。則同臨劓戮。憐兒之鹿。舐瘡痕。而寸斷柔腸。畏死之猿。望弓影。而雙垂悲淚。恃我強。而凌彼弱。理恐非宜。食他肉。而補己身。心將安忍。由是昊天垂憫。古聖行仁。解網著於成湯。畜魚興於子產。聖哉流水。潤枯槁。以囊泉。悲矣釋迦。代危亡。而割肉。天台智者。鑿放生之池。大樹仙人。護棲身之鳥。贖鱗蟲。而得度。壽禪師之遺愛。猶存。救龍子。而傳方。孫真人之慈風。未泯。一活蟻也。沙彌易短命。

爲長年書生易卑名爲上第一放龜也毛寶以臨危而
脫難孔愉以微職而封侯屈師縱鯉於元村壽增一紀
隋侯濟蛇於齊野珠報千金拯已溺之蠅酒匠之死刑
免矣捨將烹之鰲厨婢之篤疾瘳焉買死命於屠家張
提刑魂昇天界易餘生於釣艇李景文毒解丹砂孫良
嗣解繒繳之危卜葬而羽蟲交助潘縣令設江湖之禁
去任而卜族悲號信老免愚民之牲祥符甘雨曹溪守
獵人之網道播神州雀解卽環報恩狐能臨井授術乃
至殘軀得命垂白璧以聞經難地求生現黃衣而入夢
施皆有報事匪無徵載在簡編昭乎耳目普願隨所見
物發慈悲心捐不慳財行方便事或恩周多命則大積

陰功。若惠及一蟲。亦何非善事。苟日增而月累。自行廣而福崇。慈滿人寰。名通天府。蕩空冤障。多祉萃於今生。培漬善根。餘慶及於他世矣。

師勸放生

卷四



宋侍郎王敏仲喜放生。一日忽生疑。往決於小法華禪師。以某所見物。不殺不放。付之無心可乎。師厲聲曰。大錯。大錯。面前木頭皆是無心。著幾個木頭能救得世間一個。人否。公聞駭然。發心永行放生功德。大抵慈是善。放生實養慈之術云。



宣和間楊序夢神告以逾月當死。若救活億萬生命。庶可免。序云。大期已迫。物命有限。奈何。神曰。佛書云。魚子不經鹽漬。三年尚可活。曷圖之。序竭力買放。仍大書神語於通衢。由是人皆知戒。見魚子卽投江河中。月餘復夢神曰。汝壽延矣。

施處山放生魚子法。將魚子輕輕取出。勿著鹽水。攤放稻草上。或瓦上。俟其水迹略乾。卽放於河中。恐爲物所食。須淺埋於水際沙泥中。但不可離水。又一法。將乾鬆細泥沙拌魚子。攤放稻草把上。投放沿河淺際。庶不被他物戕食。物命之多。放生之易。無過於此。仁人君子。幸擇而行之。




錢塘名士鄭圭病中夢舉人陸庸成過訪。時庸成已死數月矣。儀從甚盛。問陸授何職。答曰。冥曹觀政。因出二書以贈。一則孝義圖。一則放生戒殺書。鄭視放生書云。此雲棲大師所刻。公在冥途。何以得此。答曰。冥王每遇世間嘉言善行。必紀錄。且頒布。遵行人。第患不信。從耳。君能奉行此二書。病將愈矣。既寤。奉二書勉力行之。病果漸減。因傳其事。

造橋

增論江海茫茫。匪船莫渡矣。下此則爲河。爲溪。爲溝。爲澗。可無需於船。且不便於船者。則重有賴乎橋焉。橋有長短。有廣狹。有高矮。或用木檠架而起。或用石層疊而成。豈易言造歟。然度其所需之多寡。可以易爲力者。不妨獨造焉。其在難爲力者。不妨與衆共造焉。卽曰。因此任勞歟。而功以勞而益著也。卽曰。緣此斂怨歟。而德以怨而更溥也。迨橋之功竣。而往來行人。心焉喜之。而予之心。何樂如之。

卷之三


三



董起庄農爲業。家道從容。每於夏間。凡水停泥陷之處。俱架木爲橋。又於溝渠之間。必搭板爲橋。往來行人。處處稱便。如是三十年。臨終囑其子曰。我適作一夢。上帝嘉我建橋有功。命我爲地仙矣。言罷而逝。

修路

增論往來行人日夕遊之而不絕者路也。大路平坦無待於修。若地有坑窪。或車轍深陷。秋冬乾燥。行恐難行。春夏雨時。必致困苦。再若高山峻嶺。險隘更多。行人到此。膽落心驚。一或失足。性命不保。仁人君子。發心修之。窪陷者。墊之使平。峻隘者。開之使寬。務使往來行人咸受平坦之利。此其爲功。豈淺鮮哉。有財者用財。無財者用力。眼見功德。曷不勉諸。



馬景白爲人傭工。其村中街長五里。值雨後泥深。車輪淤陷。畜受鞭撻。人苦費力。白每於雨後荷鋤修補。令其平坦。易行。十餘年不倦。後遇一武官。引去入伍。食糧以軍功授千總。累陞至都司。

